

- (3) Новчаном казном у износу од 500 КМ до 2.000 КМ казниће се одговорно лице правног лица за прекршаје из става (1) овог члана.

Члан 14.

(Лакши прекршаји)

- (1) Новчаном казном у износу од 1.000 КМ до 5.000 КМ казниће се за прекршај правно лице ако:
- а) супротно члану 9. став (1) овог закона, не обавијести на одговарајући начин потрошаче или не предузме одговарајуће мјере како би им омогућио да избјегну ризик;
 - б) супротно члану 9. став (3) тачка б) овог закона, не предузме одговарајуће радње, укључујући повлачење неусклађених производа са тржишта, одговарајуће и ефикасно упозоравање потрошача или поврат производа од потрошача када је неопходно да се избјегну ризици које представља тај производ;
 - ц) супротно члану 10. став (2) тачка б) овог закона, не води документацију за праћење поријекла производа, односно на захтјев надлежног инспекцијског органа не стави на располагање документацију која омогућава праћење поријекла производа;
 - д) супротно члану 11. став (1) овог закона, не обавијести Агенцију о ризицима које представља производ који је стављен на тржиште;
 - е) супротно члану 11. став (2) овог закона, ускрати сарадњу са надлежним инспекцијским органима и Агенцијом.
- (2) Новчаном казном у износу од 500 КМ до 2.500 КМ казниће се предузетник или физичко лице за прекршаје из става (1) овог члана.
- (3) Новчаном казном у износу од 100 КМ до 500 КМ казниће се одговорно лице правног лица за прекршаје из става (1) овог члана.

ГЛАВА VI - ПРЕЛАЗНЕ И ЗАВРШНЕ ОДРЕДБЕ

Члан 15.

(Рок за доношење прописа)

- (1) Савјет министара Босне и Херцеговине донијеће пропис из члана 11. став (3) овог закона у року од 60 дана од дана његовог ступања на снагу.
- (2) До доношења прописа из става (1) овог члана примјењиваће се важећи подзаконски акти, ако нису у супротности са овим законом.
- (3) У случају сазнања о производу или групи производа који представљају озбиљан ризик по здравље и безбједност потрошача, која захтијевају доношење одлуке којом се забрањује или ограничава увоз, стављање на тржиште и извоз тих производа, Савјет министара Босне и Херцеговине, најкасније у року од 30 дана, донијеће одлуку којом ће ближе уредити поступање произвођача и дистрибутера у овој области.

Члан 16.

(Престанак важења ранијег закона)

Ступањем на снагу овог закона престаје да важи Закон о општој сигурности производа ("Службени гласник БиХ", број 45/04).

Члан 17.

(Ступање на снагу)

Овај Закон ступа на снагу осмог дана од дана објављивања у "Службеном гласнику БиХ".

ПС БиХ, број 456/09
15. децембра 2009. године
Сарајево

Председавајући Представничког дома
Парламентарне скупштине БиХ
Др Милорад Живковић, с. р.

Председавајући Дома народа
Парламентарне скупштине БиХ
Сулејман Тихић, с. р.

579

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine na 63. sjednici Predstavničkog doma, održanoj 4. novembra 2009. godine, i na

39. sjednici Doma naroda, održanoj 15. decembra 2009. godine, usvojila je

ZAKON

O IZMJENAMA I DOPUNAMA ZAKONA O NADZORU NAD TRŽIŠTEM U BOSNI I HERCEGOVINI

Član 1.

U Zakonu o nadzoru nad tržištem u Bosni i Hercegovini ("Službeni glasnik BiH", br. 45/04 i 44/07) u članu 1. stav 1. mijenja se i glasi:

"1. Ovim Zakonom uređuje se nadzor sigurnosti proizvoda stavljenih na tržište Bosne i Hercegovine (u daljnjem tekstu: nadzor nad tržištem), uspostavlja se sistem nadzora nad tržištem i uređuju pitanja u vezi s tim, s ciljem osiguranja visokog nivoa zaštite zdravlja i sigurnosti ljudi, životinja, biljaka, imovine i okoliša."

Stav 2. briše se.

Dosadašnji stav 3. postaje stav 2.

Član 2.

U članu 2. u tački a) u prvoj rečenici iza riječi "svaki" dodaje se riječ "neprehrambeni", a riječ "popravljen" zamjenjuje se riječju "prepravljen".

Tačka b) mijenja se i glasi:

"b) **Siguran proizvod** je svaki proizvod koji u uobičajenim ili razumno predvidljivim uslovima upotrebe, uključujući trajanje i, po potrebi, stavljanje u upotrebu, zahtjeve za ugradnju i održavanje, ne predstavlja nikakav rizik ili samo najmanji rizik spojiv s upotrebom proizvoda, a koji se smatra prihvatljivim i saglasnim s visokim nivoom zaštite sigurnosti i zdravlja potrošača, posebno uzimajući u obzir sljedeće elemente:

- karakteristike proizvoda, posebno njegov sastav, pakiranje, uputstva za sklapanje te, po potrebi, ugradnju i održavanje;
- uticaj proizvoda na druge proizvode u slučaju kad se razumno može predvidjeti da će se on upotrebljavati s drugim proizvodima;
- predstavljanje proizvoda, njegovo označavanje, upozorenja i uputstva za njegovu upotrebu i odlaganje nakon upotrebe i sve druge oznake ili obavještenja koja se odnose na taj proizvod;
- kategorije potrošača izloženih riziku kad upotrebljavaju određeni proizvod, posebno djecu i starija lica.

Mogućnost da se kod proizvoda postigne viši nivo sigurnosti ili dostupnost proizvoda koji predstavljaju niži stepen rizika ne može biti osnov da bi se proizvod smatrao opasnim."

U tački c) iza riječi "definicijom" dodaju se riječi: "za siguran proizvod", a riječi: "stav 1." brišu se.

U tački d) iza riječi "organa" dodaju se riječi: "u Bosni i Hercegovini".

Tačka e) mijenja se i glasi:

"e) **Proizvođač** je:

- svako pravno lice, ili preduzetnik ili fizičko lice sa sjedištem, odnosno prebivalištem u Bosni i Hercegovini koje se bavi izradom, doradom ili preradom proizvoda i svako drugo lice koje se predstavlja kao proizvođač, stavljaјуći na proizvod svoje ime, žig ili drugi znak razlikovanja;
- predstavnik proizvođača, ako proizvođač nema sjedište, odnosno prebivalište u Bosni i Hercegovini, ili uvoznik proizvoda, ako proizvođač nema predstavnika proizvođača sa sjedištem, odnosno prebivalištem u Bosni i Hercegovini;
- drugo pravno lice, ili preduzetnik ili fizičko lice u lancu snabdijevanja, koje obavlja trgovinu i/ili trgovinske usluge, u mjeri u kojoj njegova aktivnost može uticati na sigurnosne karakteristike proizvoda."

Tačka f) mijenja se i glasi:

"f) **Distributer** je svako pravno lice, ili preduzetnik ili fizičko lice koje obavlja trgovinu i/ili trgovinske usluge i koje u lancu snabdijevanja svojom aktivnošću ne utiče na sigurnosne karakteristike proizvoda."

U tački g) riječi: "**Povlačenje proizvoda**" zamjenjuju se riječima: "**Povrat proizvoda od potrošača**", a riječ "koga" zamjenjuje se riječju "kojeg".

Tačka h) mijenja se i glasi:

"h) **Povlačenje proizvoda s tržišta** je svaka mjera usmjerena na sprečavanje distribucije i izlaganja, te nudenje opasnog proizvoda potrošačima".

Iza tačke j) dodaje se nova tačka k) koja glasi:

"k) **Opasna imitacija** je opasan proizvod obmanjujućeg izgleda, koji nije prehrambeni proizvod, ali svojim oblikom, mirisom, bojom, vanjskim izgledom, pakiranjem, oznakama, obimom ili veličinom liči ili podsjeća na prehrambeni proizvod, tako da postoji mogućnost da ga potrošači, posebno djeca, ne razlikuju od prehrambenog proizvoda i zbog toga ga stave u usta, sisaju ili progutaju, što može predstavljati opasnost i izazvati npr. gušenje, trovanje te perforiranje ili opstrukciju probavnog trakta".

Dosadašnje tačke k) i l) postaju tačke l) i m).

Dosadašnja tačka l) koja postaje tačka m) mijenja se i glasi:

"m) **Nadzor nad tržištem** podrazumijeva cjelovit sistem mjera, postupaka i radnji organa iz sistema nadzora nad tržištem koje se provode da bi se osiguralo da proizvodi na tržištu zadovoljavaju propisane zahtjeve za sigurnost a uključuju nadziranje i preduzimanje mjera i radnji radi usklađivanja s propisanim zahtjevima".

Član 3.

Član 3. briše se.

Član 4.

Član 4. mijenja se i glasi:

"Proporcionalnost i predostrožnost

Član 4.

Prilikom preduzimanja mjera radi osiguranja usklađenosti zahtjeva za sigurnost proizvoda s propisima iz člana 1. stav 2. ovog zakona, a naročito prilikom donošenja odluka o mjerama usmjerenim na povlačenje proizvoda s tržišta i povrat proizvoda od potrošača, organi iz sistema nadzora nad tržištem osiguravaju proporcionalnost mjera ustanovljenom sigurnosnom riziku, uz dužno uvažavanje trenutnog stanja nauke i tehnike u pogledu mogućih neposrednih ili posrednih, trenutnih ili odgođenih opasnosti za zdravlje i sigurnost potrošača (princip predostrožnosti)."

Član 5.

U članu 5. riječi: "stav 3." zamjenjuju se riječima: "stav 2.", a riječi: "svi nadležni organi koji učestvuju u sistemu nadzora nad tržištem" zamjenjuju se riječima: "organi iz sistema nadzora nad tržištem".

Član 6.

U članu 6. u stavu 1. riječi: "u sistemu" zamjenjuju se riječima: "iz sistema".

U stavu 3. riječi: "Svi organi u sistemu" zamjenjuju se riječima: "Organi iz sistema".

Član 7.

Član 7. mijenja se i glasi:

"Sistem nadzora nad tržištem i provođenje nadzora

Član 7.

1. Sistem nadzora nad tržištem Bosne i Hercegovine čine:
 - a) Agencija za nadzor nad tržištem Bosne i Hercegovine (u daljnjem tekstu: Agencija);
 - b) Inspekcijski i drugi organi uprave Federacije Bosne i Hercegovine, Republike Srpske i Brčko Distrikta Bosne i Hercegovine koji su posebnim zakonima i drugim propisima ovlašteni za obavljanje inspekcijskih i drugih poslova koji se odnose na kontrolu sigurnosti proizvoda na tržištu Bosne i Hercegovine (u daljnjem tekstu: nadležni organi).
2. Organi iz sistema nadzora nad tržištem, u skladu sa svojim nadležnostima, nadziru usklađenost proizvoda koji su stavljeni na tržište sa zahtjevima za sigurnost proizvoda utvrđenim Zakonom o općoj sigurnosti proizvoda i posebnim tehničkim propisima, ispunjavanje obaveza

proizvođača i distributera sadržanih u ovim propisima te preduzimaju mjere i radnje, kako bi se osigurala usklađenost proizvoda s propisanim sigurnosnim zahtjevima."

Član 8.

Član 8. briše se.

Član 9.

U članu 9. stav 1. mijenja se i glasi:

1. U provođenju ovog zakona a naročito u ostvarivanju ciljeva nadzora nad tržištem nadležni organi, osim mjera za čije su preduzimanje ovlašteni drugim propisima, ovlašteni su da preduzmu i sljedeće mjere:

- a) za bilo koji proizvod:
 - da izvrše, čak i nakon što je bio stavljen na tržište kao siguran, odgovarajuće provjere njegovih sigurnosnih svojstava, u odgovarajućoj razmjeri, sve do konačnog stadija upotrebe ili potrošnje;
 - da uzmu uzorke proizvoda s ciljem ispitivanja sigurnosnih svojstava;
 - da zahtijevaju sve neophodne informacije od zainteresiranih strana;
- b) za bilo koji proizvod koji bi mogao predstavljati rizik pod određenim uslovima:
 - da nalože da on bude označen odgovarajućim, jasno izrečenim i lako shvatljivim upozorenjima o rizicima koje on može predstavljati na jezicima koji su u službenoj upotrebi u Bosni i Hercegovini;
 - da nalože da se za njegovo stavljanje na tržište ispune preduslovi kako bi se on učinio sigurnim;
- c) za bilo koji proizvod koji bi mogao predstavljati rizik za određena lica:
 - da nalože da se izda upozorenje o opasnosti pravovremeno i u odgovarajućem obliku uključujući publiciranje posebnih upozorenja;
- d) za bilo koji proizvod koji bi mogao biti opasan:
 - da privremeno zabrane njegovu isporuku, ponudu za isporuku ili njegovo prikazivanje za vremenski period potreban da se izvrše sigurnosne procjene, provjere i analize;
- e) za bilo koji opasan proizvod:
 - da zabrane njegovo stavljanje na tržište;
- f) za bilo koji opasan proizvod koji je već na tržištu:
 - da nalože ili organiziraju trenutno povlačenje proizvoda s tržišta, prikazivanje i nudenje potrošačima i upozore na odgovarajući način potrošače na opasnosti koje on predstavlja;
 - da nalože proizvođačima i distributerima povrat proizvoda od potrošača i njegovo uništavanje po važećim propisima od strane i na teret proizvođača, odnosno distributera;
- g) za bilo koji proizvod koji je opasna imitacija:
 - da zabrane proizvodnju, uvoz, izvoz ili stavljanje na tržište."

U stavu 2. riječi: "stav 3." zamjenjuju se riječima: "stav 2.".

U stavu 3. riječi: "organizuju ili" brišu se, riječ "alineji" zamjenjuje se riječju "tački", a u drugoj rečenici riječi: "Povlačenje proizvoda" zamjenjuju se riječima: "Povrat proizvoda od potrošača".

U stavu 4. riječi: "alineji b) do f)" zamjenjuju se riječima: "tački b) do g)".

Stav 5. mijenja se i glasi:

"5. Nadležni organi donose rješenje za mjere iz stava 1. tačke b) do g) ovog člana."

Iza stava 5. dodaju se novi st. 6. i 7. koji glase:

"6. Žalba protiv rješenja iz stava 5. ovog člana izjavljuje se u roku od osam dana od dana dostavljanja rješenja.

7. Žalba protiv rješenja iz stava 5. ovog člana ne odgaga izvršenje rješenja."

Član 10.

U članu 15. riječ "svi" briše se, a riječi: "u okviru" zamjenjuju se riječju "iz".

Član 11.

U nazivu poglavlja IV. riječ "TRGOVINE" zamjenjuje se riječju "DISTRIBUTERA".

Član 12.

U nazivu člana 16. riječ "trgovine" zamjenjuje se riječju "distributera".

Stav 2. mijenja se i glasi:

"2. Proizvođači su dužni provoditi primjenjive kodekse, kao što su Kodeks dobre proizvodne prakse (GMP) i Kodeks dobre laboratorijske prakse (GLP)."

Iza stava 2. dodaje se novi stav 3. koji glasi:

"3. Proizvođač je odgovoran za usklađenost proizvoda s općim ili posebnim zahtjevima za sigurnost proizvoda prema odredbama Zakona o općoj sigurnosti proizvoda i/ili posebnim tehničkim propisima."

Član 13.

U članu 17. stav 2. tačka d) mijenja se i glasi:

"d) unapređenje saradnje s Evropskom unijom vezano za praćenje, povlačenje proizvoda s tržišta i povrat opasnih proizvoda od potrošača."

Član 14.

Ovaj Zakon stupa na snagu osmog dana od dana objavljivanja u "Službenom glasniku BiH".

PSBiH, broj 457/09
15. decembra 2009. godine
Sarajevo

Predsjedavajući Predstavničkog doma Parlamentarne skupštine BiH Dr. Milorad Živković , s. r.	Predsjedavajući Doma naroda Parlamentarne skupštine BiH Sulejman Tihić , s. r.
--	--

Na temelju članka IV.4.a) Ustava Bosne i Hercegovine, Parlamentarna skupština Bosne i Hercegovine na 63. sjednici Zastupničkog doma, održanoj 4. studenog 2009. godine, i na 39. sjednici Doma naroda, održanoj 15. prosinca 2009. godine, usvojila je

ZAKON

O IZMJENAMA I DOPUNAMA ZAKONA O NADZORU
NAD TRŽIŠTEM U BOSNI I HERCEGOVINI

Članak 1.

U Zakonu o nadzoru nad tržištem u Bosni i Hercegovini ("Službeni glasnik BiH", br. 45/04 i 44/07) u članku 1. stavak 1. mijenja se i glasi:

"1. Ovim Zakonom uređuje se nadzor sigurnosti proizvoda stavljenih na tržište Bosne i Hercegovine (u daljnjem tekstu: nadzor nad tržištem), uspostavlja se sustav nadzora nad tržištem i uređuju pitanja u vezi s tim u svrhu osiguranja visoke razine zaštite zdravlja i sigurnosti ljudi, životinja, biljaka, imovine i okoliša."

Stavak 2. briše se.

Dosadašnji stavak 3. postaje stavak 2.

Članak 2.

U članku 2. tačka a) u prvoj rečenici iza riječi "svaki" dodaje se riječ "neprehrambeni", a riječ "popravljen" zamjenjuje se riječju "prepravljen".

Točka b) mijenja se i glasi:

"b) **Siguran proizvod** je svaki proizvod koji u uobičajenim ili razumno predvidljivim uvjetima uporabe, uključujući trajanje i po potrebi stavljanje u uporabu, zahtjeve za ugradnju i održavanje, ne predstavlja nikakav rizik ili samo najmanji rizik spojiv s uporabom proizvoda, a koji se smatra prihvatljivim i suglasnim s visokom razinom zaštite sigurnosti i zdravlja potrošača, posebice uzimajući u obzir sljedeće elemente:

- karakteristike proizvoda, posebice njegov sastav, pakiranje, upute za sklapanje te po potrebi ugradnju i održavanje;
- utjecaj proizvoda na druge proizvode u slučaju kad se razumno može predvidjeti da će se on rabiti s drugim proizvodima;
- predstavljanje proizvoda, njegovo označavanje, upozorenja i upute za njegovu uporabu i odlaganje

nakon uporabe i sve druge oznake ili obavijesti koje se odnose na taj proizvod;

- kategorije potrošača izloženih riziku kad rabe određeni proizvod, posebice djecu i starije osobe.

Mogućnost postizanja više razine sigurnosti proizvoda ili dostupnosti proizvoda koji predstavljaju niži stupanj rizika ne može biti osnova da bi se proizvod smatrao opasnim."

U tački c) iza riječi "definicijom" dodaju se riječi: "za siguran proizvod", a riječi: "stavak 1." brišu se.

U tački d) iza riječi "organa" dodaju se riječi: "u Bosni i Hercegovini".

Točka e) mijenja se i glasi:

"e) **Proizvođač** je:

- svaka pravna osoba ili poduzetnik ili fizička osoba sa sjedištem odnosno prebivalištem u Bosni i Hercegovini koja se bavi izradom, doradom ili preradom proizvoda i svaka druga osoba koja se predstavlja kao proizvođač, stavljaajući na proizvod svoje ime, žig ili drugi razlikovni znak;
- predstavnik proizvođača, ako proizvođač nema sjedište odnosno prebivalište u Bosni i Hercegovini, ili uvoznik proizvoda, ako proizvođač nema predstavnika proizvođača sa sjedištem odnosno prebivalištem u Bosni i Hercegovini;
- druga pravna osoba ili poduzetnik ili fizička osoba u lancu opskrbe koja obavlja trgovinu i/ili trgovinske usluge, u mjeri u kojoj njezina aktivnost može utjecati na sigurnosne karakteristike proizvoda."

Točka f) mijenja se i glasi:

"f) **Distributer** je svaka pravna osoba ili poduzetnik ili fizička osoba koja obavlja trgovinu i/ili trgovinske usluge i koja u lancu opskrbe svojom djelatnošću ne utječe na sigurnosne karakteristike proizvoda."

U tački g) riječi: "**Povlačenje proizvoda**" zamjenjuju se riječima: "**Povrat proizvoda od potrošača**", a riječ: "koji" zamjenjuje se riječju: "kojeg?".

Točka h) mijenja se i glasi:

"h) **Povlačenje proizvoda s tržišta** je svaka mjera usmjerena na sprječavanje distribucije i izlaganja, te nudenje opasnog proizvoda potrošačima."

Iza tačke j) dodaje se nova tačka k), koja glasi:

"k) **Opasna imitacija** je opasan proizvod obmanjujućeg izgleda, koji nije prehrambeni proizvod, ali svojim oblikom, mirisom, bojom, vanjskim izgledom, pakiranjem, oznakama, obujmom ili veličinom sliči ili podsjeća na prehrambeni proizvod, tako da postoji mogućnost da ga potrošači, posebice djeca, ne razlikuju od prehrambenog proizvoda i uslijed toga ga stave u usta, sisaju ili progutaju, što može predstavljati opasnost i izazvati, primjerice, gušenje, trovanje te perforiranje ili opstrukciju probavnog trakta."

Dosadašnje toč. k) i l) postaju toč. l) i m).

Dosadašnja tačka l), koja postaje tačka m), mijenja se i glasi:

"m) **Nadzor nad tržištem** podrazumijeva cjelovit sustav mjera, postupaka i radnji tijela iz sustava nadzora nad tržištem koje se provode kako bi se osiguralo da proizvodi na tržištu zadovoljavaju propisane zahtjeve za sigurnost, a uključuju nadzor i poduzimanje mjera i radnji radi dovođenja u sklad s propisanim zahtjevima."

Članak 3.

Članak 3. briše se.

Članak 4.

Članak 4. mijenja se i glasi:

"**Razmjernost i oprez**

Članak 4.

Pri poduzimanju mjera radi osiguranja usklađenosti zahtjeva za sigurnost proizvoda s propisima iz članka 1. stavak 2. ovoga Zakona, a naročito pri donošenju odluka o mjerama usmjerenim na povlačenje proizvoda s tržišta i povrat proizvoda od potrošača, tijela iz sustava nadzora nad tržištem osiguravaju razmjernost mjera ustanovljenom sigurnosnom riziku, uz dužno uvažavanje trenutnog stanja znanosti i tehnike glede mogućih neposrednih ili posrednih, trenutanih ili odgođenih opasnosti za zdravlje i sigurnost potrošača (načelo opreza)."